

## INQUBO YOKUHLAZIYWA OKUYISEKELO

# IPHROJEKTHI EHLONGOZWAYO YOXHAXHA LWAMAPAYIPI AMANZI EZIMO EZIPHUTHUMAYO KWANONDABULA KUMASIPALA WESIFUNDA ILEMBE



## INCWADI YOLWAZI OLUYISENDLALELO

(JUNI 2015)

**EDTEA REF NO:** Iphrojekthi Yoxhaxha Lwamapayipi Amanzi Ezimo Eziphuthumayo KwaNondabula  
(Inombolo isazoqinisekiswa ngemva kokufaka isicelo esisemthethweni)

### Ikutshelani le ncwadi?

Le ncwadi ihlose ukunikeza wena **njengomuntu onomdlandla Nothintekayo (I&AP)** ulwazi oluyisendlalelo mayelana **nokwakhiwa okuhlongozwayo kwePhrojekthi Yoxhaxha Lwamapayipi Amanzi Ezimo Eziphuthumayo KwaNondabula** okwenziwa **uMasipala Wesifunda Ilembe**.

Le ncwadi ikunikeza ulwazi mayelana no**Kuhlaziywa Okuyisisekelo (BA)** okwenziwayo. Le ncwadi iphinde ikweluleke nangokuthi ungazibandakanya kanjani nale phrojekthi – ngokubuyekeza ulwazi, nokufaka uvo lwakho, kuhlanganise nokuphakamisa nanoma yiziphi izinto ezingase zibe yinkinga. Lokhu kucobelelana ngolwazi kwakha isisekelo **senqubo yokubamba iqhaza komphakathi** futhi kukunikeza ithuba lokuba neqhaza kule phrojekthi zisuka nje amadaka. Ukubamba iqhaza komphakathi kuvumela ukuba ulwazi lwendawo lufakwe kwi-BA lapho yenziwa.

### Ihlanganisani le phrojekthi?

Le phrojekthi ingase ifingqwe ngale ndlela elandelayo:

|                                          |                                                                                                                                                                                                |                 |         |            |
|------------------------------------------|------------------------------------------------------------------------------------------------------------------------------------------------------------------------------------------------|-----------------|---------|------------|
| <b>Igama Lephrojekthi</b>                | Ukuhlaziywa Okuyisisekelo Kwephrojekthi Ehlongozwayo Yoxhaxha Lwamapayipi Amanzi Ezimo Eziphuthumayo KwaNondabula                                                                              |                 |         |            |
| <b>Igunya lendawo</b>                    | UMasipala Wendawo iNdwedwe – KwaZulu-Natali                                                                                                                                                    |                 |         |            |
| <b>Umnikazi/Abanikazi bomhlaba</b>       | Ingonyama Trust                                                                                                                                                                                |                 |         |            |
| <b>Indawo</b>                            | Located on Portion 0 (Remaining Extent) Farm 4675 Inanda Location and Portion 0 (Remaining Extent) Farm 4667 Umvoti Location. Access is via the R614 from Tongaat travelling towards Wartburg. |                 |         |            |
| <b>Ama-coordinate okuhlelwa komgwaqo</b> | <b>INDAWO YESAYITHI ESENYAKATHO</b>                                                                                                                                                            |                 |         |            |
|                                          | Imigqa yeNyakatho noma yeNingizimu / yeMpumalanga noma yeNtshonalanga                                                                                                                          | Ama-degrees     | Imizuzu | Imizuzwana |
|                                          | ENingizimu                                                                                                                                                                                     | 29 <sup>0</sup> | 24'     | 14.30"     |
|                                          | EMpumalanga                                                                                                                                                                                    | 30 <sup>0</sup> | 50'     | 59.92"     |
|                                          | <b>INDAWO YESAYITHI ESENINGIZIMU</b>                                                                                                                                                           |                 |         |            |
|                                          | Imigqa yeNyakatho noma yeNingizimu / yeMpumalanga noma yeNtshonalanga                                                                                                                          | Ama-degrees     | Imizuzu | Imizuzwana |
|                                          | ENingizimu                                                                                                                                                                                     | 29 <sup>0</sup> | 25'     | 43.05"     |
|                                          | EMpumalanga                                                                                                                                                                                    | 30 <sup>0</sup> | 52'     | 13.57"     |
|                                          | <b>INDAWO YESAYITHI ESENTSHONALANGA</b>                                                                                                                                                        |                 |         |            |
|                                          | Imigqa yeNyakatho noma yeNingizimu / yeMpumalanga noma yeNtshonalanga                                                                                                                          | Ama-degrees     | Imizuzu | Imizuzwana |
|                                          | ENingizimu                                                                                                                                                                                     | 29 <sup>0</sup> | 24'     | 59.13"     |
|                                          | EMpumalanga                                                                                                                                                                                    | 30 <sup>0</sup> | 50'     | 56.58"     |

**INDAWO YESAYITHI ESEMPUMALANGA**

| Imigqa yeNyakatho noma yeNingizimu / yeMpumalanga noma yeNtshonalanga | Ama-degrees     | Imizuzu | Imizuzwana |
|-----------------------------------------------------------------------|-----------------|---------|------------|
| ENingizimu                                                            | 29 <sup>o</sup> | 24'     | 55.37''    |
| EMpumalanga                                                           | 30 <sup>o</sup> | 53'     | 12.17''    |

**Incazelo yeprojekthi ehlongozwayo**

Kuhlongozwa ukuba kwakhiwe uxhaxha lwamapayipi endaweni yasemakhaya kwaNondabula, ekuWadi 9 womKhandlu Wendabuko wakwaNodwengu kuMasipala Ilembe, KwaZulu-Natali, azoxhumanisa uxhaxha lwamapayipi olukhona futhi umphakathi wakule ndawo ukwazi ukukha amanzi.

Le phrojekthi izohlenganisa ukwakhiwa kwalokhu:

- ipayipi i-DN150 yeNsimbi / ye-PVC eliya phezulu elingu-4,7 km;
- umgonqozo ongamumatha u-15 m<sup>3</sup>/h ku-292 m
- ithangi elingu-500 kℓ lensimbi eselihlanganisiwe;
- iphampu yokubhusta yesibili;
- ithangi elingu-50 kℓ lensimbi eselihlanganisiwe eliphakanyiselwe phezulu; kanye
- no-110 mm kuya ku-32 mm woxhaxha lwamapayipi alinganiselwa ku-38 km ubude nompompi abasendaweni engu-568 m.

Amandla nezilinganiso zengqalasizinda ehlongozwa kumi kanje:

- ipayipi i-DN150 lensimbi / le-pvc elingu-4,7 km ubude elinezinga lokukhiqiza elingu-15 m<sup>3</sup>/h;
- ithangi elingu-500 kℓ lensimbi (16 m ububanzi x 3,1 m ukuphakama);
- Umgonqozo onezinga lokukhiqiza elingu-15 m<sup>3</sup>/h; kanye
- nethangi elingu-50 kℓ (5 m skwele x 2 m ukuphakama); kanye
- no-110 mm kuya ku-32 mm woxhaxha lwamapayipi alinganiselwa ku-38 km ubude nompompi abasendaweni engu-568 m.

Izindlela ezihlukile zasesayithini nemisebenzi akuyona into engasetshenziswa ngoba lokhu ukuthuthukiswa nokulungiswa kwengqalasizinda yamanzi ekhona emphakathini odinga ukunikezwa amanzi ngamapayipi.

Kubonakala sengathi ulayini ohlongozwao ungase kube sebangeni elingu-32 m lamanzi agelezayo okwenza kudingeke iSigunyazo Sezemvelo ngeNqubo yoKuhlaziya Okuyisisekelo. Ngaphezu kwalokho, le ndawo isesigabeni se-Critical Biodiversity Prioty Area 1 (CBA).

**Yimiphi imithelela yezemvelo engase ibe khona ehlobene nephrojekthi ehlongozwayo?**

Imithelela yezemvelo engase ibe khona ehlobene nale phrojekthiye yahlonzwa. Ngakho-ke, njengengxenye ye-BA, le mithelela engase ibe khona izohlaziya ngalezi zingcwaningo ezikhethekile ezilandelayo:

| Ucwaningo Lobuchwepheshe                                            | Inhlangano                    |
|---------------------------------------------------------------------|-------------------------------|
| Ukuhlaziya Kwezinto Eziphila Emaxhaphozini Nasemfuleni Nosebe Lwawo | I-Scientific Aquatic Services |
| Ukuhlaziya Kwendawo Yemvelo Nezinto Eziphila Kuyo                   | I-Clayton Cook                |
| Ukuhlaziya Komthelela Kwezamagugu Esizwe                            | I-Active Heritage cc          |


Izimvo ezivela emphakathini ngenqubo yokubamba iqhaza komphakathi zinikeza ulwazi olubalulekile ekuhlonzeni izinkinga ezidinga ukuphenywa kule nqubo ye-BA. Ucwaningo luzoqokomisa izindawo okufanele zigwenywe ukuze kuncishiswe imithelela engase ibe khona, futhi luhlale ezinye izindlela ezingase zenziwe esikhundleni sale phrojekthi. UKuhlaziya Okuyisisekelo kuzohlosa ukufinyelela lokhu okulandelayo:

- Ukunikeza ukuhlaziya jikelele komthelela ozoba khona ezintweni ezikhona nezizungeze indawo ethintekile ngenxa yale phrojekthi yokwakha ehlongozwayo;
- Kwenze ukuhlaziya okubanzi kwendawo/kwezindawo ezikhethwayo ngokwezimfuneko zezemvelo kuhlanganise nokukalwa kwemithelela emikhulu;
- Kuhlaziye futhi kuphakamise izinyathelo ezifanele zokunciphisa imithelela emikhulu engase ibe khona kwezemvelo; futhi

Kuqhuba inqubo yokubamba iqhaza komphakathi ehlanganisa bonke ukuze kuqinisekisa ukuthi izinkinga nokukhathazeka okuphakanyiswe ama-I&AP kuyaqoshwa futhi kuphawulwe ngako.



NUMBER: \_\_\_\_\_  
 PRINT NAME: \_\_\_\_\_  
 APPROVAL SIGNATURE: \_\_\_\_\_  
 DATE APPROVED: \_\_\_\_\_



|                                                                                                                                                                                                                     |                            |              |    |          |
|---------------------------------------------------------------------------------------------------------------------------------------------------------------------------------------------------------------------|----------------------------|--------------|----|----------|
| DATE: 04/10/14                                                                                                                                                                                                      | FIG. NO: 101               |              |    |          |
| REV                                                                                                                                                                                                                 | DESCRIPTION                | DATE         | BY | REVISION |
| DESIGNED                                                                                                                                                                                                            | T. GIBAN                   | OCTOBER 2014 |    |          |
| DRAWN                                                                                                                                                                                                               | B. NANS                    | OCTOBER 2014 |    |          |
| CHECKED                                                                                                                                                                                                             | S. DRUCE                   | OCTOBER 2014 |    |          |
| APPROVED:<br>PROJ. PRINCIPAL: G. ORICE<br>SIGNATURE: _____ DATE: _____                                                                                                                                              |                            |              |    |          |
| <p><b>Royal HaskoningDHV</b><br/>Enhancing Society Together</p> <p>PO Box 55<br/>FICTHUR<br/>3602<br/>Tel: (021) 718000<br/>Fax: (021) 718000<br/>Email: <a href="mailto:info@rhdhv.co.za">info@rhdhv.co.za</a></p> |                            |              |    |          |
| CLIENT:<br><p>ILEMBE DISTRICT MUNICIPALITY</p>                                                                                                                                                                      |                            |              |    |          |
| PROJECT/DRAWING TITLE:<br><b>EMERGENCY NONDABULA PROJECT</b><br>RETICULATION LAYOUT                                                                                                                                 |                            |              |    |          |
| SCALE: 1 : 5000                                                                                                                                                                                                     | SHEET: 1 OF 1              |              |    |          |
| CONTRACT No.:                                                                                                                                                                                                       | PROJECT No. W01.P2B.0001B0 |              |    |          |
| DRAWING No.:                                                                                                                                                                                                        | W01.P2B.0001B0-104         |              |    |          |







Indawo Okukuyo Iphrojekthi Ehlongozwayo Yoxhaxha Lwamapayipi Amanzi Ezimo Eziphuthumayo KwaNondabula

## Kungani kudingeka izingcwaningo zezemvelo?





Ngokuvumelana neZiqondiso zoKuhlaziywa Komthelela Kwezemvelo (EIA) ne-Government Notice Regulation (GNR) No. 983 kuya ku-985 ka-2014 (njengoba ichitshiyelwe), eshicilelwe ngokuvumelana neSigaba 24(5), sifundwa neSigaba 44, soMthetho Wokulawulwa Kwezemvelo Kuzwelonke (NEMA) (uMthetho No. 107 ka-1998), **uMasipala Wesifunda Iembe** udinga **isigunyazo sezemvelo** (EA) eMnyangweni Wezokuthuthukiswa Komnotho, Ezokuvakasha Nezemvelo KwaZulu-Natali (KZN EDTEA) ekwenzeni le phrojekthi ehlongozwayo njengoba ihlanganisa imisebenzi esihlwini eSiqondisweni 983 no-985 se-NEMA EIA.

Le misebenzi elandelayo ye-GNR 983 no-985 ifakelwa isicelo se-EA:

### GNR 983




-  Umsebenzi 9 – Ukuthuthukiswa kwengqalasizinda engaphezu kuka-1 000 m ubude ukuze kuthuthwe ngobuningi amanzi noma amanzi ezikhukhula- (i) ngaphakathi enobubanzi obungu-0,36 m noma ngaphezulu; noma, (ii) enezinga lokukhiqiza elingu-120 l/s noma ngaphezulu ngesikhathi isidingo sisikhulu;
-  Umsebenzi 12 – Ukuthuthukiswa kwengqalasizinda noma izakhiwo ezinendawo yemvelo engu-100 m<sup>2</sup> noma ngaphezulu; lapho ukuthuthukiswa okunjalo kwenzeka (a) phakathi nendawo egeleza amanzi; noma (c) uma kungekho lutho oluyisithiyi ekuthuthukiseni, phakathi no-32 m wendawo egeleza amanzi, kukalwa kusuka osebenzi lwaleyo ndawo egeleza amanzi.
-  Umsebenzi 19 – Ukugcwaliswa noma ukufakwa kwanoma yini engaphezu kuka-5 m<sup>3</sup>, noma ukukhishwa kukadoti, ukumba, ukukhishwa noma ukuthuthwa kwenhlabathi, isihlabathi, amagobolondo, amagobolondo aphukile, amatshe amancane noma amakhulu endaweni engaphezu kuka-5 m<sup>3</sup>- (i) endaweni ehamba amanzi;
-  Umsebenzi 30 – Noma iyiphi inqubo noma umsebenzi ohlonzwe ngokweSigaba 53(1) soMthetho Wokulawulwa Kwezemvelo Kuzwelonke: Ukuhlukahluka kwezidalwa eziphilayo (NEM:BA), 2004 (uMthetho 10 ka-2004);
-  Umsebenzi 45 – Ukunwetshwa kwengqalasizinda yokuthuthwa ngobuningi kwamanzi noma amanzi ezikhukhula lapho ingqalasizinda ekhona- (i) inobubanzi bangaphakathi obungu-0,36 m noma ngaphezulu; noma, (ii) inezinga lokukhiqiza lapho elingu-120 l/s noma ngaphezulu lapho isidingo siphezulu; futhi (a) lapho indawo noma ingqalasizinda inwetshwa ngaphezu kuka-1 000 m ubude; noma (b) lapho izinga lokukhiqiza lendawo noma ingqalasizinda lizokwenyuka ngo-10% noma ngaphezulu; futhi
-  Umsebenzi 49 – Ukuthuthukiswa- (iv) kwengqalasizinda noma izakhiwo lapho indawo yemvelo yandiswa ngo-100 m<sup>2</sup> noma ngaphezulu; lapho ukwandiswa okunjalo noma ukwandisa kanye nemisebenzi ehlobene nakho kwenzeka – (a) phakathi nendawo egeleza amanzi; noma (c) uma kungekho lutho oluyisithiyi ekuthuthukiseni, phakathi no-32 m wendawo egeleza amanzi, kukalwa kusuka osebenzi lwaleyo ndawo egeleza amanzi.

### GNR 985

-  Umsebenzi 2 – Ukwakhiwa kwezindawo zokugcina amanzi ngobuningi ezingaphezu kuka-250 m<sup>3</sup>, (d) KwaZulu-Natali: lapho (viii) izindawo zezidalwa eziphilayo ezihlukahlukene ezisengcupheni njengoba kuhlonzwe kumapulani ezidalwa eziphilayo ezihlukahlukene enziwa ngezikhathi ezithile amukelwe yigunya elifanele noma kumapulani alezo zindawo;
-  Umsebenzi 12 – Ukucaba indawo engu-300 m<sup>2</sup> noma ngaphezulu yezitshalo zendabuko (b) KwaZulu-Natali, (iv) phakathi nanoma yiluphi uhlelo lwezidalwa eziphilayo nendawo yazo olusengozini olusohlwini ngokwesigaba 52 se-NEM:BA noma ngaphambi kokushicilelwa kohlu olunjalo, phakathi nendawo eye yahlonzwa njengesengcupheni kakhulu ku-National Spatial Biodiversity Assessment 2004, kanye naphakathi (v) nezindawo zezidalwa eziphilayo ezihlukahlukene ezisengcupheni njengoba zihlonzwe kumapulani ezidalwa eziphilayo ezihlukahlukene enziwa ngezikhathi ezithile amukelwe yigunya elifanele noma kumapulani alezo zindawo;
-  Umsebenzi 14 – Ukuthuthukiswa (xii) kwengqalasizinda noma izakhiwo ezinendawo engu-10 m<sup>2</sup> noma ngaphezulu, lapho ukuthuthukiswa okunjalo kwenzeka (a) phakathi nendawo egeleza amanzi; noma (c) uma kungekho lutho oluyisithiyi ekuthuthukiseni, phakathi no-32 m wendawo egeleza amanzi, kukalwa kusuka osebenzi lwaleyo ndawo egeleza amanzi, (c) KwaZulu-Natali: (v) endaweni evikelwe ehlonzwe ku-NEM:PAA, noma lapho (ix) izindawo zezidalwa eziphilayo ezihlukahlukene ezisengcupheni njengoba kuhlonzwe kumapulani ezidalwa eziphilayo ezihlukahlukene enziwa ngezikhathi ezithile amukelwe yigunya elifanele noma kumapulani alezo zindawo.
-  Umsebenzi 16 – Ukunwetshwa kwamathangi okuphakelwa kwamanzi ngobuningi lapho inani lizokwenyuswa ngaphezu kuka-250 m<sup>3</sup>, (c) KwaZulu-Natali: (i) Ngaphandle kwezindawo zasedolobheni: (ff) izindawo zezidalwa eziphilayo ezihlukahlukene ezisengcupheni njengoba kuhlonzwe kumapulani ezidalwa eziphilayo ezihlukahlukene enziwa ngezikhathi ezithile amukelwe yigunya elifanele noma kumapulani alezo zindawo, kanye (hh) nezindawo eziphakathi kuka-5 km ukusuka kunoma iyiphi enye indawo evikelwe ehlonzwe ngokwe-NEM:PAA noma ukusuka endaweni eyisisekelo yendawo egciniwe yezidalwa eziphilayo.

Ngaphezu kwalokho, njengoba le phrojekthi ibandakanya ukunqamula ezindaweni ezigeleza amanzi, i-WULA izothunyelwa eMnyangweni Wezamanzi Nokukhucululwa Kwendle (DWS) ngokweSigaba 21 (a), (c) no-(i) soMthetho Wamanzi Kuzwelonke (uMthetho No. 36 ka-1998).

Loku kusetshenziswa kwamanzi kweSigaba 21 se-NWA kufakwa isicelo sako ku-WUL:

-  (a) Ukukhishwa kwamanzi endaweni ageleza kuyo (2 x imigonqozo);
-  (c) Ukuvimba noma ukuchezukisa ukugeleza kwamanzi endaweni yawo; kanye
-  (i) Nokushintsha usebe, indlela noma isimo sendawo ehamba amanzi

Imisebenzi eshiwo kualolu hlu ingase ibe nomthelela emvelweni, ngenxa yalokho, inqubo ye-BA neSicelo se-WUL, njengoba kushiwo eSiqondisweni 16 kuya ku-20 neSenezelo 1 seSiqondiso Se-EIA (GNR 982), kuzodingeka yenziwe. I-BA yithuluzi lokuhlela nokwenza izinqumo eliphumelelayo, elivumela ukuhlonzwa kwemiphumela engase ibe khona kwezemvelo yenxa yephrojekthi ehlongozwayo kanye nokulawulwa kwayo ngenqubo yokuhlela.

Umasipala Wesifunda llembe uqoke i-Royal HaskoningDHV njengoMhlaziyi Wezemvelo (EAP) ozimele ukuba enze ucwaningo lwezemvelo oludingekayo.

Njengengxenye yalezi zingcwaningo zezemvelo, bonke aBanomdlandla Nabathintekile (ama-I&AP) bazoba neqhaza ngenqubo yokubamba iqhaza komphakathi (PPP).

### Inqubo Yokubamba Iqhaza Komphakathi

Kubalulekile ukuba kuhlonzwe ama-I&AP afanele futhi abe neqhaza ku-PPP zisuka nje amadaka kule phrojekthi.

Ukuze kuqinisekiswa ukubamba iqhaza komphakathi okuphumelelayo, inqubo ihlanganisa lezi zinyathelo ezilandelayo phakathi nenqubo ye-BA:

- ISINYATHELO 1: Ukuqwashisa ngenqubo ye-BA (ngokukhangisa ephephandabeni lendawo, ukujikeleziswa kwe-BID [le ncwadi] nokubekwa kwezaziso emasayithini);
- ISINYATHELO 2: Ukubhaliswa kwama-I&AP nababambiqhaza abayinhloko enqolobaneni yolwazi (into eqhubekayo);
- ISINYATHELO 3: Ukuba nezingxoxo, nokudlulisela ulwazi kuma-I&AP ngokuxoxisana nababambiqhaza;
- ISINYATHELO 4: Ukumema ama-I&AP ukuba aveze uvo lwawo ngohlaka lombiko we-BA (BAR) (inkathi yokuveza uvo yezinsuku ezingu-30); futhi
- ISINYATHELO 5: Ukurekhoda zonke izimvo, izinkinga nokukhathazeka okuphakanyiswe ama-I&AP encwadini yezinkinga ezoba yingxenye ebalulekile ye-BAR.

### Ungabandakanyeka kanjani?

**Ngokuphendula (ngocingo, ngefeksi noma nge-imeyili) esimemweni sethu sokuba ubandakanyeke kule nqubo.**

- Ngokugcwalisa ifomu lokuveza uvo elifakiwe bese uliposa noma ulithumele ngefeksi ku-Bjorn Hoffmann e-Royal HaskoningDHV.
- Ngokuba khona emhlanganweni ozoba phakathi nale phrojekthi. Uma ubhalisa njenge-I&AP uyomenywa ukuba ube khona emhlanganweni. Usuku lomhlangano nalo luyokhangiswa futhi ama-I&AP abhalisile ayokwaziswa nge-imeyili.
- Ngokubhalela amakhonsalithenti uma unombuzo, uvo noma udinga ulwazi olwengeziwe mayelana nephrojekthi.
- Ngokubuyekeza nokuphawula ngohlaka lweMibiko yoKuhlaziywa Okuyisisekelo phakathi nezinsuku ezivunyelwe ezingu-30 zenkathi yokubuyekeza.

**Uma uzibheka njenge-I&AP yale phrojekthi ehlongozwayo, sikunxusa ukuba ube neqhaza.**

Sicela usebenzise amathuba akhiwe inqubo yokubamba iqhaza komphakathi ukuze ube neqhaza kule nqubo futhi ulethe uvo lwakho. Uma unezinkinga kanye/noma ukukhathazeka okukuthintayo kanye/noma onesasasa kukho, sicela ukusho. Noma, uma nje ungathanda ukuthola ulwazi olwengeziwe, sitshele.

**Uvo lwakho kule nqubo lwakha ingxenye ebalulekile yocwaningo lwezemvelo futhi singathanda ukuzwa kuwe sithole imibono yakho ngale phrojekthi ehlongozwayo.**

Ngokugcwalisa nokuthumela leli fomu lokuphendula elihambisana nale ncwadi, uzobe usuzibhalise ngokuzenzakalelayo njenge-I&AP yale phrojekthi futhi uqinisekisa ukuthi izimvo zakho, ukukhathazeka kanye/noma izinkinga eziphakanyisiwe mayelana nale phrojekthi ziyaqashelwa.

### Izimvo nemibuzo mayelana nale phrojekthi kungathunyelwa

|                      |                             |                                                                        |                                                                                       |
|----------------------|-----------------------------|------------------------------------------------------------------------|---------------------------------------------------------------------------------------|
| kuMnu-Bjorn Hoffmann | P.O. Box 55, Pinetown, 3600 |                                                                        |  |
|                      | Ucingo                      | 031 719 5571                                                           |                                                                                       |
| Royal HaskoningDHV   | Ifeksi                      | 031 719 5505                                                           |                                                                                       |
|                      | I-imeyili                   | <a href="mailto:bjorn.hoffmann@rhdhv.com">bjorn.hoffmann@rhdhv.com</a> |                                                                                       |

INQUBO YOKUHLAZIYWA OKUYISISEKELO

PROPOSED EMERGENCY NONDABULA WATER RETICULATION PROJECT  
IN THE ILEMBE DISTRICT MUNICIPALITY



INCWADI YOLWAZI OLUYISENDLALELO  
(JUNI 2015)

YOUR SIYAZAMUKELA IZIMVO NEMIBUZO YAKHO

Sicela **ugcwalise** leli Fomu Lezimvu **ngokugcwele** bese ulibuyisela:

|                             |                           |                                                                        |  |
|-----------------------------|---------------------------|------------------------------------------------------------------------|--|
| <b>kuMnu-Bjorn Hoffmann</b> | PO Box 55, Pinetown, 3600 |                                                                        |  |
|                             | Ucingo                    | 031 719 5571                                                           |  |
| <b>Royal HaskoningDHV</b>   | Ifeksi                    | 031 719 5505                                                           |  |
|                             | I-imeyili                 | <a href="mailto:bjorn.hoffmann@rhdhv.com">bjorn.hoffmann@rhdhv.com</a> |  |

|                                                |  |                                |  |
|------------------------------------------------|--|--------------------------------|--|
| <b>Isiqu</b> (Sol/Mnu/Nkk)                     |  | <b>Igama lokuqala</b>          |  |
| <b>Isibongo</b>                                |  |                                |  |
| <b>Isikhundla</b> (isib. uNobhala / uMqondisi) |  |                                |  |
| <b>Inhlangano</b>                              |  |                                |  |
| <b>Ikheli lokuposa</b>                         |  | <b>Ikhodi</b>                  |  |
| <b>Ino. Yocingo</b> ( )                        |  | <b>Ino. Kamakhalekhukhwini</b> |  |
| <b>Ino. Yefeksi</b> ( )                        |  | <b>Ikheli le-imeyili</b>       |  |

Yiluphi uvo / ukukhathazeka ongathanda ukukuveza mayelana nale phrojekthi ehlongozwayo? (Sicela usebenzise amakhasi engeziwe, uma kudingeka)

SICELA NIBHALISE LABA BANTU ABALANDELAYO ENQOLOBANENI YOLWAZI YALE PHROJEKTHI:

|                                                |  |                                |  |
|------------------------------------------------|--|--------------------------------|--|
| <b>Isiqu</b> (Sol/Mnu/Nkk)                     |  | <b>Igama lokuqala</b>          |  |
| <b>Isibongo</b>                                |  |                                |  |
| <b>Isikhundla</b> (isib. uNobhala / uMqondisi) |  |                                |  |
| <b>Inhlangano</b>                              |  |                                |  |
| <b>Ikheli lokuposa</b>                         |  | <b>Ikhodi</b>                  |  |
| <b>Ino. Yocingo</b> ( )                        |  | <b>Ino. Kamakhalekhukhwini</b> |  |
| <b>Ino. Yefeksi</b> ( )                        |  | <b>Ikheli le-imeyili</b>       |  |

|                   |  |
|-------------------|--|
| <b>Isiginesha</b> |  |
|-------------------|--|

UMA UNGAKHETHA UKUBA UNGAPHINDE UTHOLE OLUNYE ULWAZI OLWENGEZIWE MAYELANA NALE PHROJEKTHI EHLONGOZWAYO, FUTHI UNGATHANDA UKUBA UKHISHWE ENQOLOBANENI YOLWAZI YALE PHROJEKTHI, SICELA UFAKE UQHWISHI EBHOKISINI ELINGEZANSI BESE UBUISELA LELI FOMU KUMAKHONSALITHENTI OKUBAMBA IQHAZA KOMPHEKATHI (IMINININGWANE YOKUXHUMANA NABO INIKEZIWE NGENHLA).

Yebo, lisuseni igama